

ՄԵՆԱԿ ՄԱՐԴԻԿ

Դ Ր Ա Մ Ա

Գերհարս Հաուպսմանի

(Շարունակութիւն *)

Տիկին Ֆօկերատը և աղախինը այդ միջոցին պատշգամբի վրայ սեղան են պատրաստում: Յանկարծ լսում է մեծ շառաչով ափսէների մի կոյտի թափուելը քարերի վրայ և փշուր-փշուր լինելը: Կարճ ճիչ է արձակում և աղախինը գունատ վազում է սենեակի միջով, պատշկամբից դէպի մուտքը: Տիկ. Ֆօկերատը նոյնպէս ներս է մտնում լանդիմանելով աղախնուն:

ՏԻԿԻՆ ՖՕԿԵՐԱՏ. Ո՛չ, դա ուղղակի անտանելի է, Միննա: Օր չէ անցնում, որ մի բան չը կտորէք: Փչացաւ հիանալի մայօնէզս՝ (Աղախինը դուրս է գնում դրսի դռնից): Ինձ մօտ այսպիսի բան չէր կարող պատահել: Աղախինները ինձ մօտ զիտեն, թէ ինչպէս պէտք է վարուել:

ՅՈՀԱՆՆԷՍ. (Աղմուկի վրայ դուրս գալով ննջարանից): Ի՞նչ է մայրիկ, ի՞նչ է պատահել: (Գրկում է նրան եւ աւխասում հանգստացնել): Հանգստացիր, հանգստացիր. չը պէտք է բարկանալ, թանկագին մայրիկ:

ՏԻԿ. ԿԷԹԷ. (Դուլիսը հանելով դռնից): Ի՞նչ պատահեց:

ՅՈՀԱՆՆԷՍ. Ոչինչ, ոչինչ:

ՏԻԿ. ԿԷԹԷ. (Դուլիսը յետ է փառում դռնից):

ՏԻԿ. ՖՕԿԵՐԱՏ. Շատ չորրհակալ եմ—ոչինչ: Ամբողջ 10 մարկի ամաններ է փշուր-փշուր արել: Դեռ էլի ոչինչ, եւ ամբողջ հիանալի մայօնէզը՝ չէ... (Յետ է մղում Յոհաննէսին):

ՅՈՀԱՆՆԷՍ. Մայրիկ, սիրելի մայրիկ: Է՛հ, մի անգամ էլ մայօնէզ չենք ուտի:

*) Տե՛ս «Մուրճ» № 3.

ՏԻԿ. ՖՕԿԵՐԱՏ. Ո՛չ, ոչ: Դուք չափազանց թեթև էք վերաբերում: Դուք դէն գցելու փողեր չունէք: Չափից դուրս կակուղ էք ծառաների հետ և միայն երես էք տալիս նրանց:

ՅՈՀԱՆՆԷՍ. Բայց չէ՞ որ դրանք չարունակ ամանների հետ գործ ունեն և...

ՏԻԿ. ՖՕԿԵՐԱՏ. Ես խօսում եմ: Ինձ մօտ աղախները ապրում են վեց, եօթ տարու: Բայց երբ մի որ և է բան կոտորում են, պարտաւոր են փոխարէնը գնել: Ի հարկէ, նրանք ձեր տանը կարկանդակ և խաւեար են ուտում: Բոլորը ձեր այդ նոր գաղափարներն են: Ազատեցէք ինձ դրանցից: Լսում էք:

ՅՈՀԱՆՆԷՍ. (Զուարթադեմ): Դէ, մայրիկս, աւելի բարի եղիր:

ՏԻԿ. ՖՕԿԵՐԱՏ. Ես հէնց բարի եմ, զաւակս: (Համբուրում է նրան): Ա՛խ դու մտքամոլոր գլուխ: Ասում եմ՝ արի կեանքի մարդ չես դու:

Երևում է ինչպէս աղախներ պատշկամբի վրայ սրբում է լատակը և հաւաքում ամանների կոորտանքները:

ՅՈՀԱՆՆԷՍ. (Շփոթուած): Ճիշտ է, մայրիկ: (Ուրախ): Բայց ինչո՞ւ դու միշտ այդպիսի աչքեր ես չինում... այդպիսի աչքեր: Մի ինչ-որ երկիւղ կայ աչքերումդ. մի ինչ-որ լարուածութիւն:

ՏԻԿ. ՖՕԿԵՐԱՏ. Ե՞ս. Ա՛խ, ի՞նչ ես ասում... Ես չը գիտեմ ճշմարիտ... Ինչպէս թէ աչքերս մի տեսակ են:

ՅՈՀԱՆՆԷՍ. Մէկ էլ նայիր ինձ:

ՏԻԿ. ՖՕԿԵՐԱՏ. Անխեղ տղայ: (Յառած նայում է նրան):

ՅՈՀԱՆՆԷՍ. Ա՛յ, այժմ լաւ է:

ՏԻԿ. ՖՕԿԵՐԱՏ. Անխեղ տղայ: Ես այնպէս կ'ուզէի, որ դու միշտ ուրախ լինէիր, ուրախ մարդ լինէիր, Հաննէս:

ՅՈՀԱՆՆԷՍ. Այդ, մայրիկ, դու երբէք չես տեսնիլ. դո՛ւ մարդիկ փեթակում եղած արու մեղուների նման եմ. ողորմելի ոչնչութիւններ:

ՏԻԿ. ՖՕԿԵՐԱՏ. Ինչ օգուտ սյդ ամենից...

ՅՈՀԱՆՆԷՍ. (Աւելի լուրջ եւ մի եւ նոյն ժամանակ յուզուած): Եւ երեխան, որ այնտեղ այժմ քնած է, նոյնպէս պէտք է ինձ նման լինի, մի իսկական դժգո՛ւ մարդ:

ՏԻԿ. ՖՕԿԵՐԱՏ. Աստուած չանէ, Հաննէս:

ՅՈՎՀԱՆՆԷՍ. Նա ընդհանրապէս ուրիշ տեսակ մարդ պիտի դառնայ, քան ես եմ: Ես դրա մասին կը հոգամ:

ՏԻԿ. ՖՕԿԵՐԱՏ. Մարդը ենթադրում է, իսկ Աստուած կարգադրում: Մենք ես արեւ ենք, ինչ որ կարողացել ենք:

ՅՈՀԱՆՆԷՍ. Էհ, մայրիկ, ես էլ վերջապէս ուղղակի ան-
աջողակ մէկը չեմ:

ՏԻԿ. ՖՕԿԵՐԱՏ. Ի հարկէ ոչ: Ես այդ տեսակ բան չեմ ա-
սում: Այդ ես բնաւ չեմ էլ ուզում... Բայց դու հինա հէնց ին-
քդ ասացիր, որ Ֆիլիպպը պէտք է ուրիշ տեսակ լինի: Եւ...
ե... լսիր. դու չէ որ չես հաւատում... Դու բոլորովին չես հա-
ւատում ողորմած Աստուծուն: Դու իսկն ասած, ոչ մի կրօն չու-
նիս: Իսկ այդ պէտք է մեծ տանջանք պատճառի:

ՅՈՀԱՆՆԷՍ. Կրօն, կրօն: Իրաւ է ես չեմ հաւատում, որ
Աստուած մարդու տեսք ունի, մարդու պէս է գործում, որդի
ունի և այդ օրինակ բաներ:

ՏԻԿ. ՖՕԿԵՐԱՏ. Բայց, Յոհաննէս, պէտք է հաւատալ:

ՅՈՀԱՆՆԷՍ. Ոչ, մայր: Կարելի է չը հաւատալ և այնու-
ամենայնիւ ունենալ կրօն: (Մի քիչ յափշտակուած): Ով ջանում
է ճանաչել բնութիւնը, նա ձգտում է ճանաչել Աստուծուն:
Աստուած՝ բնութիւնն է: «Ի՞նչ կը լինէր մի Աստուած, որ մի-
այն դրսից է ներգործում և ամբողջ տիեզերքը մատի նշանով
սպիպում է պտոյտ դալ նրան վայել է տիեզերքը, շարժել և
կառավարել ներքուստ», ասում է Գէօթէն, մայրիկ. իսկ նա այդ
աւելի լաւ էր հասկանում, քան աշխարհիս բոլոր պատօրները
և հոգևոր տեսողները:

ՏԻԿ. ՖՕԿԵՐԱՏ. Ախ, դաւակա: Երբ ես լսում եմ քո այդ
խօսքերը... շատ ափսոսում եմ, որ դու աստուածաբան չը մը-
նացիր: Ես յիշում եմ դեռ, թէ քո փորձնական քարոզից յետոյ
ինչ ասաց ինձ սարկաւազը...

ՅՈՀԱՆՆԷՍ. (Չուարճութեամբ) Մայր, մայր. անցած-գնա-
ցած ժամանակներ: (Լսում է դուռն զանգը):

ՏԻԿ. ՖՕԿԵՐԱՏ. Դրսի դուռն է—բայց չէ որ կողպուած չէ:
(Մի քանի քայլ է անում դէպի մուսֆի դուռը: Բաղխում են
մուսֆի դուռը):

ԼՈՒԱՅԱՐԱՐՈՒՇԻ ԼԷՄԱՆ. (Հագին կապոյտ խուցացած չրի
դերիա, ներս է մտնում վախժիտով): Բարի լոյս:

ՏԻԿ. ՖՕԿԵՐԱՏ. (Ոչ բոլորովին միաժամանակ): Բարեւ.

ՅՈՀԱՆՆԷՍ. { տիկին Լէման:

ՏԻԿ. ԼԷՄԱՆ. Ես միայն ուզում էի տեսնել թէ... Ներեցէք
տիկին Ֆօկերատ: Ես երկար որոնում էի տնկիցիս:

ՅՈՀԱՆՆԷՍ. Ի՞նչպէս չէ, տիկին Լէման, պ. Բրաունը այս-
տեղ է:

ՏԻԿ. ԼԷՄԱՆ. Ծը, ծը (Աչի անցնելով սենեակը): Եթէ
կարողանայի այսպէս սարքուէլ:

ՏԻԿ. ՖՕԿԵՐԱՏ. Ի՞նչպէս է ձեր քէֆը, տ. Լէման:

ՏԻԿ. ԼԷՄԱՆ. Է՛հ, տ. Ֆոկերատ, լաւ չէ բանս. իսկի լաւ չէ՛, Ծերուկիս դուրս վոնդեցի: Էլ անկարելի էր տանել: Այժմ ինքս էլ չը գիտեմ՝ ի՞նչ անեմ երեխաներիս. հինգ երեխայ է, ինչպէս պահեմ...

ՏԻԿ. ՖՕԿԵՐԱՏ. Ի՜նչ էք ասում: Բայց...

ԼԷՄԱՆ. (Աւելի ու աւելի բացուելով): Գիտէք, տ. Ֆոկել ատ. եթէ ես ինքս էլ գոնէ այսքան թոյլ չը լինէի... Թէ չէ շատ եմ ձեռքից ընկել. չարութիւնը, հասկանում էք, մարդ արարածին բոլորովին փչացնում է ու ստորացնում. հէնց այդ պատճառով էլ ինձ ոչ ոք չէ կարող մեղադրել: Ես ասացի իմ ծերուկիս: Ա. դօլֆ, ասում եմ, ի սէր Աստուծոյ, դնա՛ք ընկերակիցների մօտ, ասում եմ: Գնա՛ք հարբան ընկերներիդ մօտ, ասում եմ: Ես ինքս կաշուիցս դուրս կը գամ և հինգ երեխաների՛ կը պահեմ մենակ: Տես, ասում եմ, քեզնից ի՞նչ օգուտ. քո աշխատածով քո կոկորդն ես թաց անում, ասում եմ: Դու խելք չունես, ասում եմ: Եթէ դու խելք ունենայիր, ասում եմ, երեխաներիդ և կնոջդ այս խեղճութեան չէիր հասցնի, ասում եմ: Տեսնո՞ւմ էք, տիկին Ֆոկերատ, ես նրան հէնց այդպէս ասացի. թէ և գիտէք, այդ բոլորը ինձ համար անտանելի էր: Ես կ'ուզէի այնպէս խօսել, որ փշի պէս ծակէր. բայց ի՞նչ օգուտ այդ բոլորից: Էլի ճշմարտութիւնն ասել, այդ աւելի լաւ է.— Դէհ, մտածում էի, Աստուած ողորմած է, Նա ինձ կը պաշտպանի իմ հինգ երեխաներիս հետ: (Խնչում է եւ սրբում աչքերը):

ՏԻԿ. ՖՕԿԵՐԱՏ. Մեկը միշտ պիտի...

ՏԻԿ. ԼԷՄԱՆ. Հա՛, հա՛, ես հէնց այդ ասացի: Գնա՛ք դու թէկուզ Հնդկաստան, ասում եմ: Գնա՛: Եթէ դու ազնիւ մարդ ես, ասում եմ, և մի երկու պֆենիգ յետ ձգես, ասում եմ, այն ժամանակ դեռ կարելի է ապրել: Իսկ ես ազնիւ կ'իմ եմ, տիկին Ֆոկերատ: Թող իմ առաջ ի՞նչ ուզում է դրուած լինի: Ես մատովս չեմ կպցնիլ...

ՅՈՀԱՆՆԷՍ. Դուք կամենում էիք պ. Բրաունի հետ խօսել, տիկին Լէման:

ՏԻԿ. ԼԷՄԱՆ. Չէ, ես իսկապէս մոռացայ բոլորովին: Այնտեղ մի օրիորդ կայ, նա ուզում է նրան տեսնել: (Մուսֆի դռնից ներս է երևում օրիորդ Մառի գլուխը եւ իսկոյն յետ քաշում: Յոհաննէսը տեսնում է նրան):

ՅՈՀԱՆՆԷՍ. Համեցէ՛ք... համեցէ՛ք, խնդրեմ. ներս մտէ՛ք: (Տիկիններին, որոնք ոչինչ չէին նկատել): Օրիորդը: Այդ օրիորդն էր: (Տիկին Լէմանին): Դուք պէտք է նրան ներս բերէիք: (Բաց անելով մուսֆի դուռը): Խնդրեմ, չնորհալի օրիորդ: Դուք կա-

մենում էք իմ բարեկամ Բրաունին տեսնել: Բարի եղէք, Ներս չնորճ բերել:

Օրիորդ Աննա Մառ 24 տարեկան է. միջնասակ, փոքրիկ գլխով, մութ, հարթ սանրած մազերով, նուրբ ջղային դիմագծով: Նրա համարձակ շարժումները մէջ կաշի գրացիա և ուժ: Մի որոշ ինքնավստահութիւն նաշուածքով, մի որոշ կայտառութիւն, որ միւս կողմից չափաւորում է համեստութեամբ և տակտով, աչնպէս որ նա բնաւ չէ խախտում կանացիութեան տպաւորութիւնը: Աննան սև հագուստով է:

ՕՐ. ԱՆՆԱ ՄԱՌ. (Ներս և մեղում): Ախ, աղաչում եմ ինձ ներէք: Ինձ չափազանց անախորժ է ձեզ անհանգըստացնել:

ՅՈՀԱՆՆԷՍ. Ո՛չ, համեցէք, խնդրեմ, խնդրեմ:

ՕՐ. ԱՆՆԱ. Տիկին Լէմանը յետ չը դարձաւ—իսկ ես ուզում էի նրան միայն ասել—որ արդէն... որ ես պարոն Բրաունին կարող եմ ուրիշ անգամ տեսնել:

ՅՈՀԱՆՆԷՍ. Բայց ո՛չ, խնդրեմ.—ես իսկոյն կը կանչեմ Բրաունին: Նստեցէք, խնդրեմ:

ՕՐ. ԱՆՆԱ. Շատ չնորհակալ եմ: (Մնում է կանգնած): Ժշմարեա, ինձ չատ անախորժ է, որ...

ՅՈՀԱՆՆԷՍ. Բայց խնդրում եմ, չնորհալի օրիորդ: Ես այս րոպէիս կը կանչեմ Բրաունին:

ՕՐ. ԱՆՆԱ. Բայց ես ձեզ նեղութիւն եմ պատճառում, ես...

ՅՈՀԱՆՆԷՍ. Բնաւ, օրիորդ:—Ներեցէք, իսկոյն: (Դուռն է գնում պատշգամբը):

Փոքր դադար ու թեթև շփոթութիւն:

ՏԻԿ. ԼԷՄԱՆ. Դէ, ուրեմն, ես գնամ: (Օր. Աննային): Վերադարձին դուք անշուշտ մենակ էլ կը գտնէք ճանապարհը:

ՕՐ. ԱՆՆԱ. Շատ չնորհակալ եմ, որ ինձ ուղեկցեցիք: Թո՛ղ տուէք ձեզ մի չնչին... (Տալիս է նրան փող):

ՏԻԿ. ԼԷՄԱՆ. Շատ չնորհակալ եմ, չատ չնորհակալ: (Տիկ. Ֆոկերաւին): Ահա իմ վաստակը այսօր, տիկ. Ֆոկերաւ, Աղնիւ խօսք: Թէև դա հեշտ բան չէ, բայց ես դարձեալ ասում եմ, լաւ է մարդ իր կաշին ծախի, քան ապրի մի այնպիսի հարբանի հետ: Հա... Հարկաւոր է միայն հաւատալ ողորմած Աստուծուն: Գթառատ Աստուած դեռ ինձ երբէք անտես չի թողել: (Բոնելով դուռն կորից): Հիմա ուղղակի կը գնամ խանութ, մի բան գնելու իմ հինգ ձագուկներիս համար: (Դուռն է գնում):

ՏԻԿ. ՖՕԿԵՐԱՏ. (Կանչում է նրա լեսեւից): Մտէք խոհանոց: Այնտեղ քիչ-միչ բան կայ ձեզ համար: (Մօտեցնում է իր արքունի Աճճայի համար դրուած արքունի եւ նայում է): Խնդրեմ, օրիորդ, չէ՞ք կամենալ նստել:

ՕՐ. ԱՆՆԱ. (Իանդադուրեամբ նստելով): Ես ամենեւին յողմած չեմ, ես...

ՏԻԿ. ՖՕԿԵՐԱՏ. Այս կողմերին դուք ծանօթ էք:

ՕՐ. ԱՆՆԱ. Ո՛չ:—Ես ողւոսաց Օստգէեան գաւառից եմ: Ես... (Նվորում և լուրջանում):

ՏԻԿ. ՖՕԿԵՐԱՏ. Այս կողմերը շատ աւագոտ են: Ինձ դուր չէ գալիս այստեղ, ես Բրէսլաուի շրջակայքից եմ: Եւ ամեն բան այստեղ այնպէս թանկ է, դուք երեսկայել անգամ չէ՞ք կարող: Իմ մարդս ազնուականների կալուածների կապալառու է: Գործը վատ չէ գնում, մենք կարողանում ենք երբեմն էլ մի բան ուղարկել մեր երեխաներին: Լիճք դուք տեսել էք: Իսկապէս շատ գեղեցիկ է: Պէտք է ասել, որ լիճք իսկապէս գեղեցիկ է: Մեր ամառանոցը շատ յարմար է: Ուղիղ եզրերի մօտ է: Մենք ներքեւ պարտիզում երկու նաւակ ունենք: Բայց ես չեմ սիրում, երբ երեխաները նաւարկում են: Ես շատ վախկոտ եմ:—Թոյլ տուէ՛ք հարցնել, դուք այժմ Բերլինո՞ւմ էք ապրում:

ՕՐ. ԱՆՆԱ. Այո՛:—Ես այնտեղ առաջին անգամն եմ: Ես կամենում եմ Բերլինը մի լաւ տեսնել:

ՏԻԿ. ՖՕԿԵՐԱՏ. Օ՛, ի հարկէ: Բերլինը արժէ տեսնել:—Բայց շատ աղմկալի է:

ՕՐ. ԱՆՆԱ. Օ, ի հարկէ. շատ աղմկալի է: Մանաւանդ երբ մարդ սովոր է փոքր քաղաքներին:

ՏԻԿ. ՖՕԿԵՐԱՏ. Դուք ձրտեղից էք, եթէ թոյլ տաք...

ՕՐ. ԱՆՆԱ. Ես գալիս եմ Բէվէլից և վերադառնում եմ Յիւրիխ: Վերջին չորս տարիները ես ապրում էի Յիւրիխում:

ՏԻԿ. ՖՕԿԵՐԱՏ. Այո՛, գեղեցիկ Շվէյցարիա:—Դուք երևի ազգականների ունէք Յիւրիխում:

ՕՐ. ԱՆՆԱ. Ո՛չ, ես ուսանում եմ:

ՏԻԿ. ՖՕԿԵՐԱՏ. Դուք... համալսարանում:

ՕՐ. ԱՆՆԱ. Համալսարանում:

ՏԻԿ. ՖՕԿԵՐԱՏ. Դա անկարելի է: Նշանակում է դուք ուսանողուհի էք: Ի՞նչ էք ասում: Դա շատ և շատ հետաքրքրական է:—Ուրեմն իրաւ ուսանողուհի էք:

ՕՐ. ԱՆՆԱ. Այո՛, յարգելի տիկին:

ՏԻԿ. ՖՕԿԵՐԱՏ. Ասացէ՛ք, խնդրեմ: Եւ ի՞նչ, այդքան շատ սովորելը հաճելի է ձեզ:

ՕՐ. ԱՆՆԱ. (Զուարթ): Օ, ի հարկէ: Շատ—անշուշտ յայտնի աստիճան:

ՏԻԿ. ՖՕԿԵՐԱՏ. Կարելի բան է դա:

Յոհաննէսը և Բրաունը երևում են պատշկամբում: Կանայք տեսնում են, որ նրանք մօտենում են, վեր են կենում:

ՕՐ. ԱՆՆԱ. Ճշմարիտ շատ եմ ցաւում, յարգելի տիկին, ձեզ անհանգստացնելու համար:

ՏԻԿ. ՖՕԿԵՐԱՏ. Խնդրեմ, սիրելի օրիորդ. իսկապէս ինձ շատ ուրախացրեց երես առ երես տեսնել մի իսկական ուսանողուհի: Մեզ մօտ երբեմն զանազան անմիտ բաներ են պատմում զբանց մասին: Դուք ազգական էք պարոն Բրաունին:

ՕՐ. ԱՆՆԱ. Ո՛չ—մենք ծանօթացանք իրար հետ Պարիզում, ցուցահանդիսին:

ՏԻԿ. ՖՕԿԵՐԱՏ. (Մեկնելով նրան ձեռքը): Մնաք բարով: Ինձ իրօք մեծ ուրախութիւն պատճառեց...

ՕՐ. ԱՆՆԱ. Խնդրեմ... կրկին խնդրում եմ, ներեցէք ինձ:

Տիկ. Ֆօկերատը գլուխ տալով հեռանում է մուտքի դռնով:

Յոհաննէսը և Բրաունը մի քանի վարկեան խորհրդակցում են պատշկամբում: Խորհրդակցութիւնը վերջացնելով, Յոհաննէսը մնում է պատշկամբում, մինչդեռ Բրաունը մտնում է սենեակը:

ԲՐԱՈՒՆ. (Զարմացած): Օրիորդ Մառ. Դուք...:

ՕՐ. ԱՆՆԱ. Այո—բայց և յուսով եմ, դուք ինձ այնքան անտակտ չէք համարի... մեղաւորը ձեր տանտիրուհին է. այդ տարօրինակ տիկին Լէմանն է, որ ես ձեզ մինչև այստեղ...

ԲՐԱՈՒՆ. Նուիրական Բիմբամ:

ՕՐ. ԱՆՆԱ. Դուք չէք մոռացել ձեր նուիրական Բիմբամը:

ԲՐԱՈՒՆ. Բայց ես երազումս անգամ այդ տեսակ բան չէի սպասում: Դա իսկապէս հիանալի է:

ՕՐ. ԱՆՆԱ. Ուրեմն էլի մնում է ձեր նախկին «հիանալին»: Զեզ համար ամեն ինչ միշտ հիանալի է: Դուք ևս բնաւ չէք փոխուել, իրաւ:

ԲՐԱՈՒՆ. Կարծում էք: Բայց օրիորդ, հանեցէք ձեր վերարկուն:

ՕՐ. ԱՆՆԱ. Ո՛չ, ոչ—ի՞նչ էք ասում: Ես միայն ուզում էի տեսնել, թէ ինչ էք անում դուք: (Զարանճի նկնգութեամբ): Գլխաւորապէս ձեր մեծ նկարի մասին էի կամենում տեղեկանալ: Արդէն կարելի է նրանով պանչանալ:

ԲՐԱՈՒՆ. Ստուերը, գաղափարն անգամ գոյութիւն չունի, ոչ էլ կտաւն է գնուած, օր. Աննա:

ՕՐ. ԱՆՆԱ. Լաւ չէ. իսկ եմ ասում, շատ վատ է: Իսկ դուք այնպէս հաստատ ինձ խոստացաք:

ԲՐԱՌԻՆ. Մարդս մտածում է, իսկ կառապանը վարում է։
Սակայն կրկին խնդրում եմ, հանուեցէք օրիորդ։

ՕՐ. ԱՆՆԱ. Հիմա ես ձեզ տեսայ, պ. Բրաուն, և յոյս ու-
նեմ...

ԲՐԱՌԻՆ. Ո՛չ, ոչ, դուք պէտք է այստեղ մնաք։

ՕՐ. ԱՆՆԱ. Այստեղ։

ԲՐԱՌԻՆ. Այն, Երեկ դուք չը գիտէք, որտեղ ենք մենք։
Մենք Յոհաննէս Ֆօկերատի մօտ ենք։ Անկասկած դուք նրան
բաւական ձանաչում էք իմ պատմածներից. բացի այդ
այսօր այստեղ կնուներ է կատարւում։ Դուք ձիշտ ժամանակին
էք գալիս։

ՕՐ. ԱՆՆԱ. Ախ, ո՛չ, ո՛չ։ Այդ բոլորովին անկարելի է։
Մանաւանդ որ այսօր ես պէտք է քաղաքում շատ տեղեր գնամ։
ԲՐԱՌԻՆ. Այսօր բոլոր տեղերը փակ են։

ՕՐ. ԱՆՆԱ. Այդ ոչինչ։ Ես պէտք է միայն լինեմ ծանօթ-
ներիս մօտ։ Բայց մի երեակայէք, որ դուք արդէն ազատւում
էք ինձանից։ Մենք պէտք է դեռ մի անգամ էլ կրկար զրու-
ցենք իրար հետ։ Ես դեռ պէտք է ձեզ խրատ կարգամ. ախ,
դուք խոստմնադանց։ Դուք, ինչպէս տեսնում եմ, առաջուայ
նման պատկերներ միայն ձեր գլխում էք նկարում։

ԲՐԱՌԻՆ. Նախ պէտք է մարդ իր գլխում հոգեպէս պար-
զի։ Իսկ վրձինները չեն փախչի։

ՕՐ. ԱՆՆԱ. Հը, ո՛վ գիտէ։

ԲՐԱՌԻՆ. Բայց ես ձեզ հիմա չեմ թողնի, որ գնաք. լսէք
ինձ։

ՕՐ. ԱՆՆԱ. Ո՛չ, խնդրում եմ, պ. Բրաուն, թողէք ինձ
հանգիստ։

ԲՐԱՌԻՆ. (Կանչում է)։ Հանս, Հանս։

ՕՐ. ԱՆՆԱ. Խնդրում եմ։

Յոհաննէսը մտնում է կարմրելով։

ԲՐԱՌԻՆ. Թո՛ղ տուէք ձեզ ծանօթացնել։ Իմ բարեկամ Յո-
հաննէս Ֆօկերատ—օրիորդ Աննա Մառ։

ՕՐ. ՄԱՌ. { (Միաժամանակ)։ Ես ձեր մասին այնքան
ՅՈՂԱՆՆԷՍ. { շատ եմ լսել։

ԲՐԱՌԻՆ. Երեակայիր, Հանս. օրիորդն ուզում է արդէն
գնալ։

ՅՈՂԱՆՆԷՍ. Այդ իմ կնոջս և մեզ բոլորիս շատ կը վըշ-
տացնի։ Չէք ուզում նուիրել մեզ այս երեկոն։

ՕՐ. ԱՆՆԱ. Ծղմարիտ ես չը գիտեմ... Բայց երբ դուք
ինձ ասում էք, որ ես ձեզ անհանգստողութիւն չեմ պատճառի—
ուրախութեամբ ես մնում եմ։

ՅՈՀԱՆՆԷՍ. Ամենին, ոչ մի կերպ: (Օգնում է նրան հանել վերնագրեւոր եւ ցալիս է Բառունին): Կախիր, խնդրում եմ: Ես իսկոյն կնոջս կը կանչեմ... (Մօտենում է ննջարանի դռանը, եւ կանչում դէպի ներս): Կէթէ: (Մտնում է ննջարանը):

ՕՐ. ԱՆՆԱ. (Ուղղելով հայելու առաջ հագոււսք): Ձեր բարեկամը շատ սիրալիր է:

ԲՐԱՈՒՆ. Գուցէ մի քիչ էլ չափազանց:

ՕՐ. ԱՆՆԱ. Ա՛խ, ինչպէս թէ:

ԲՐԱՈՒՆ. Ես կատակ եմ անում: Նա շատ լաւ տղայ է: Միայն երբ բանը նրա գրուածքին է դալիս, այն ժամանակ նա դժուարամարս է դառնում: Ահա կը տեսնէք. եթէ դուք երեկոյեան մնաք այստեղ, նա իր աշխատութիւնը անպատճառ կը կարդայ ձեզ:

ՕՐ. ԱՆՆԱ. Ինչի՞ մասին է նրա գրուածքը:

ԲՐԱՈՒՆ. Ինձ համար շատ գիտնական մի բան, ինչ-որ փիլիսոփայական-քննադատական-պսիխո-ֆիզիոլոգիական մի գրուածք: Ես ինչ գիտեմ:

ՕՐ. ԱՆՆԱ. Այդ ինձ հետաքրքրում է: Ես ինքս էլ, «փիլիսոփայութեան հետ կապ ունեմ», ինչպէս ասում են սովորաբար:

ԲՐԱՈՒՆ. Դէ, օրինորդ, եթէ այդպէս է, դուք այնքան էլ չուտ չէք պրծնի նրանից: Եթէ դուք սկսէք հետաքրքրուել նրա աշխատութիւնով, անասելի կերպով նրան կ'ուրախացնէք:

ՅՈՀԱՆՆԷՍ. (Գալով ննջարանից): Բրա՛ն:

ԲՐԱՈՒՆ. Ի՞նչ է:

ՅՈՀԱՆՆԷՍ. Գնա՛ Կէթէի մօտ: Հանգստացրու՛ նրան քիչ: Փոքրիկի մի կողիկը ինչ-որ շատ է դուրս ցցուած:

ԲՐԱՈՒՆ. Ի՞նչ ես ասում:

ՅՈՀԱՆՆԷՍ. Ի հարկէ, դատարկ բան է. բայց էլի գնա: Կէթէն իզուր տեղը իր համար հոգսեր է ստեղծում:

ԲՐԱՈՒՆ. Լաւ, լաւ: Գնացի: (Մտնում է ննջարանը):

ՅՈՀԱՆՆԷՍ. Կինս խնդրում է ներքե, օրինորդ: Նա կը գայ մի քանի րոպէից յետոյ: Նա պատուիրել է ինձ առայժմ ցոյց առլ ձեզ մեր պարտէզը: Եթէ ի հարկէ, դուք դէմ չէք...

ՕՐ. ԱՆՆԱ. Օ՛, մեծ ուրախութեամբ:

ՅՈՀԱՆՆԷՍ. (Ժպտալով): Մենք իսկապէս գեղեցիկ անկիւն ունենք—այսինքն մենք միայն վարձել ենք: Այստեղ ամենահրապուրիչը լինէ է: Դուք տեսել էք Մուզգէլեան լիճը: (Նա ցալիս է օրիորդին հովանոցը: Ներկուսն էլ խօսակցելով գնում են դէպի պատշգամբի դուռը): Ես ատում եմ քաղաքը: Իմ իդէալս է ընդարձակ պարկ՝ չրջապատած բարձր պատերով: Այնտեղ մարդ կարող է ապրել՝ անարգել նուիրուած իր նպատակներին:

ՕՐ. ԱՆՆԱ. Էպիկուր:

ՅՈՀԱՆՆԷՍ. Միանգամայն իրաւացի էք, այն: Բայց հաւատացնում եմ ձեզ, ուրիշ կերպ անկարելի է... Ձեզ համար զով չի լինի:

ՕՐ. ԱՆՆԱ. Օ՛հ, հէ. ես ինձ սովորացրած եմ ցրտի:

Յոհաննէսը թողնում է Աննային առաջ գնալ և հետևում է նրան դէպի պատշկամբու: Այստեղ նրանք մնում են մի քանի վարկեան: Երևում է, թէ ինչպէս Յոհաննէսը ցոյց է տալիս և բացատրում օտարոհուն տեսարանները: Վերջապէս երկուսն էլ անհետանում են պարտիզում:

Բրաունը, իսկ նրա հետեից Կէթէն, դուրս են գալիս ննջարանից:

ԲՐԱՍՈՒՆ. (Շուրջը նայելով) Նրանք գնացել են:

ՏԻԿ. Կէթէ. Հա՛:

ԲՐԱՍՈՒՆ. Ո՛հ, հէ, ինչ վերաբերում է կողին, այդ բոլորովին բնական է:

ՏԻԿ. Կէթէ. Իսկապէս ես բոլորովին ճշնուած տրամադրութեան մէջ եմ:

ԲՐԱՍՈՒՆ. Ծնշուած: Ինչո՞ւ:

ՏԻԿ. Կէթէ. (Ժպտալով): Ես ուղղակի սրտի բաբախում ունեմ:

ԲՐԱՍՈՒՆ. Դուք դեռ ես ջղային դրութեան մէջ էք:

ՏԻԿ. Կէթէ. Նա շատ հպարտ է:

ԲՐԱՍՈՒՆ. Ո՞վ:

ՏԻԿ. Կէթէ. Այն օրիորդը:

ԲՐԱՍՈՒՆ. Մտռը. հպարտ.— Ամենևին:

ՏԻԿ. Կէթէ. Ինչո՞ւ չէ. եթէ ես լինէի նրա տեղ, կարող էի...

ԲՐԱՍՈՒՆ. Ամենևին. հէ, հէ: Դուք իսկապէս նրան ստորացնում էք:

ՏԻԿ. Կէթէ. Ընդհակառակը.— Ես սաստիկ պատկառանք եմ զգում դէպի նա:

ԲՐԱՍՈՒՆ. Հա՛, ասենք... Նա լինում է երբեմն ճիշտ որ քիչ մեծամիտ, բայց հեշտ է նրան յետ սովորացնել այդ բանից:

Դադար:

ՏԻԿ. Կէթէ. Հանէսը այնտեղ մոռացել է իր ձեռագրից մի թերթիկ: Օրիորդը հասկանում է որ և է բան դրանից:

ԲՐԱՍՈՒՆ. Ինչպէս չէ:

ՏԻԿ. Կէթէ. Հա՛, ախ.— ինձ նմանները դրանց պէս կըրթուած մարդկանց մէջ մի քիչ խղճալի դեր են կատարում:

ԲՐԱՍՈՒՆ. Ա.— ախ: Իմ իմացածս էլ շատ բան չէ: Ես էլ

մեծ ուսում չեմ առել: Բայց այնուամենայնիւ ինձ չէ կարող դարմանել այդ չնչին դպրոցական իմաստութիւնը:

ՏԻԿ. ԿԷԹԷ. Օրիորդը, ի հարկէ, խօսում է փայլուն:

ԲԻԱՌԻՆ. Փայլուն: Ո՛չ: Նա խօսում է այնպէս... ինչպէս մենք բոլորս ենք խօսում: Նա շատ խելացի է—բայց այդ պատճառով...

ՏԻԿ. ԿԷԹԷ. (Ժպտալով): Իմ աղջիկ ժամանակս կարծես մի ձպուռ էի: Մենք ամբողջ օրերով շարունակ չբթչրթում էինք դատարկ բաների մասին: Այդ գոնէ անցաւ: Իսկ հիմա ամենևին չեմ համարձակուում խօսել և առհասարակ վախենում եմ մի բան ստել (Մօսենում է դէպի պաշտամբը քանդ դռան): Մայրիկ, մի բաժին աւելի դիր:

ՏԻԿ. ՖՕԿԵՐԱՍ. (Պաշտամբից, ուր նա հացը գցում է): Էլ ո՞վ է լինելու:

ՏԻԿ. ԿԷԹԷ. Օրիորդը:

ՏԻԿ. ՖՕԿԵՐԱՍ. Ո՞վ:—Հա հասկացայ.—լաւ, լաւ, Կէթէ:

ՏԻԿ. ԿԷԹԷ. (Նորից Բրաունին, հառաչելով): Ա՛խ, հիմա ամեն բան փշացաւ: Ոյժ ես գործ դնում.—բայց ի՛նչ օգուտ դրանից: Արդէն շատ ուշ է: (Մօսենալով վարդի փնջին): Նայեցէք, ի՛նչ գեղեցիկ է երևում: Դեռ վաղ է: (Մեկնում է փուկը Բրաունին հոստելու համար): Եւ ի՛նչպէս թունդ են բուրում:

ԲԻԱՌԻՆ. Հրաշալի:

ՏԻԿ. ԿԷԹԷ. (Դնում է փուկը իր տեղը): Նա ջահէլ է:

ԲԻԱՌԻՆ. Ո՞վ:

ՏԻԿ. ԿԷԹԷ. Օր. Մառ:

ԲԻԱՌԻՆ. Չը գիտեմ քանի տարեկան է:

ՏԻԿ. ԿԷԹԷ. Ես արդէն քսան և երկու տարեկան եմ:

Այ՛ո, մենք անցրել ենք մեր հասակը:

ԲԻԱՌԻՆ. Խիստ անցրել էք: (Ծիծաղում է):

ՏԻԿ. ԿԷԹԷ. Ա՛խ, ինչպէս սահմանափակ է իմ միտքս:

ՏԻԿ. ՖՕԿԵՐԱՍը դռնից մտնելով գլուխը:

ՏԻԿ. ՖՕԿԵՐԱՍ. Սիրելիք, ինձ մօտ ամեն բան արդէն պատրաստ է: (Յետ է քաշում գլուխը: Կանչում է պաշտամբից դէպի պարեգը): Հայրիկ, հայրիկ:

Պարոն Ֆօկերատը և պատուրը, երկուսն էլ շատ լաւ տրամադրութեան մէջ բարձրանում են պատշկամբի սանդուղներով:

ՖՕԿԵՐԱՍ. (Բաց դռներից, պաւսօրի վերադառնալով): Հա՛: Չէք ցանկանայ ներս մտնել և հանել ձեր զգեստը: Հահահա՛: (Սրանց ծիծաղում է):

ՊԱՍՏՈՐ ԿՕԼԼԻՆ. (Ձեռքին բռնած գլխարկը, ձեռնափայտը եւ սիգար ծխելով): Հահահահ: Իսկապէս որ շատ գուարճալի է ինձ լսեցէք: Պֆ, պֆ—շատ գուարճալի է (Ծիծաղում է):

ՅՕԿԵՐԱՏ. եւ ասում են, որ այդ ճիշտ եղելութիւն է, պարոն պաստօր: (Տանում է նրա հետեւից վերադառնալով):

ՊԱՍՏՈՐ ԿՕԼԼԻՆ. «Պարոն նոր-ննջեցեալ»: (Ծիծաղում է): Պֆ, պֆ:—«Պարոն նոր-ննջեցեալ, գուցէ էլի մի բան էք ցանկանում»: (Ծիծաղում է. կախում է պլեդը եւ գլխարկը, քսաակը մնում է գլխին):

ՅՕԿԵՐԱՏ. (Ծիծաղելով նրա հետ միասին): «Պարոն նոր-ննջեցեալ»... (Դիմելով Բրաունին): Բանը պատահում է մեզ մօտ գիւղում, մի թաղման, պ. Բրաուն... Դադաղի շուրջ կանգնած են յուղարկաւորները, դիտէք... (Սարսափ արտայայտելով, վազ): Յանկարծ, մի ինչ-որ բան ժաժ է դալիս: Գուցէ մէկն ու մէկը աթոռն է շարժում, կամ թէ մի այլ բան է շարժւում: (Սարսափ արտայայտելով): Բոլորը միասին ցնցւում են:—Միայն ժամհարը, հահահահ, չը վախեց, երկչոտներից չէր: Մօտենում է զգուշութեամբ դադաղին, հահահահ, ու թիկթիկացնում: (Չայնը նրմանեցնելով ժամհարի ձայնին եւ մտնելով թիկթիկացնելով սեղանին): «Պարոն նոր-ննջեցեալ—Պարոն նոր-ննջեցեալ: Գուցէ էլի մի բան էք ցանկանում»:

ՊԱՍՏՈՐ ԿՕԼԼԻՆ. (Ծիծաղելով): Այո, լսեցէք: Պֆ, պֆ: Այդ ճիշտ է, եւ ճանաչում եմ այդ ժամհարներին:

ՏԻԿ. ՅՕԿԵՐԱՏ. (Մտնում է): Դէ, հայրիկ, համեցէք, թէ ոչ ապուրը կը սառչի:

ՅՕԿԵՐԱՏ. Ուրեմն, պարոն պաստօր, համեցէք, խնդրեմ:

ՊԱՍՏՈՐ ԿՕԼԼԻՆ. Լսեցէք, դուք այնու ամենայնիւ ձեր ասածն արեք: (Դէն է ձգում սիգարի մնացորդը մոխրամանի մէջ եւ առաջարկում կուր սիկին Յօկերասին): Տիկին Յօկերաս:

ՅՕԿԵՐԱՏ. (Կամենալով կուր սալ Կեքիին): Բայց հուր է Յոհաննէսը:

ՏԻԿ. ՅՕԿԵՐԱՏ. Իսկ օրինորդը.—Դա արդէն լաւ չէ Յոհաննէսի կողմից: Հիանալի ճաշը չէ որ...

ՅՕԿԵՐԱՏ. (Ուրախ): Հա, լսում էք, պ. պաստօր. «Բերանի և գինու թասի մէջ տեղ». հա հա հա:

ՊԱՍՏՈՐ ԿՕԼԼԻՆ. «Սատանան միշտ այնտեղ», հա հա հա:

ՅՕԿԵՐԱՏ. Երեւ այդ այն կինն էր: Մենք տեսանք այնտեղ լճի վրայ մի զոյգ: Այնպէս չէ, պարոն պաստօր:

ՊԱՍՏՈՐ ԿՕԼԼԻՆ. Ի հարկէ, ի հարկէ: Նրանք այնտեղ նաւարկում կը լինեն:

ՏԻԿ. ՖՕԿԵՐԱՏ. Ա՛խ, ես կարծում եմ, լաւ է՝ մենք նըստենք ճաշի:

ՖՕԿԵՐԱՏ Ով չի դալիս ժամանակին...

ԲՐԱՍԻՆ. (Որ նայում եր պատշգամբից դէպի պարտեզը, վերադառնում է): Նրանք դալիս են, գալիս են:

ՖՕԿԵՐԱՏ. Եւ արդէն ժամանակն էր:

Յոհաննէսը և օր. Սենան քարճրանում են պատշկամբը:

ՅՈՀԱՆՆԷՍ. Մենք ուշացանք:

ՖՕԿԵՐԱՏ. Հէնց ժամանակն է:

ՅՈՀԱՆՆԷՍ. Խնդրում եմ ներէք: Մենք... Այնպէս հրաշալի էր ջրի վրայ... Թոյլ կը տաք: (Ներկայացնելով): Պարոն պատուր Կօլլին՝ Իմ հայրս՝ Իմ մայրս՝

ՏԻԿ. ՖՕԿԵՐԱՏ. Մենք արդէն ծանօթ ենք:

ՅՈՀԱՆՆԷՍ. Կինս—օրիորդ Մառ:

Կարգի են բերում իրանց և դիմում պատշկամբը: Տիկին Ֆօկերատը թեանցով պատուրի հետ, տիկին Կէթէն՝ ծեր Ֆօկերատի հետ, իսկ օր. Մառին տանում է Յոհաննէսը: Մենակ և բոլորից վերջում գնում է Բրատներ:

Սենեակը մնում է դատարկ: Ննջարանից լսում է ծծմօր մեղմ երգը.— «Նանի, Նանի աղ ի՛նչ է շշնջում: Այդ ի՛նչ է անտեղ լարդի մէջ շարժում: Այնտեղ ճշում են սիրուն քաղիկներ, նրանք տկուր են և դեռ անփետուր»: Պատշկամբից լսում է ամսէների աղմուկը, լանկարծ մըտնում է Կէթէն, սեղանի արկղից ինչ որ հանելու՝ օրա լեռակից մտնում է Յոհաննէսը:

ՅՈՀԱՆՆԷՍ. Բայց Կէթէ—քեզ դեռ կարելի չէ... Քեզ դեռ կարելի չէ վազել: Թո՛ղ, ես ինքս...

ՏԻԿ. Կէթէ. Ա՛խ, ես այնքան էլ թոյլ չեմ:

ՅՈՀԱՆՆԷՍ. (Կրակոս եւ վառվռուն): Գիտե՞ս դու: Նա մի հրաշալի էակ է՝ Ինչպիսի գիտութիւն և ինքնուրոյնութիւն դատողութեան մէջ. եւ երևակայի մի այդպիսի էակ չարչարուելով հազիւ հազ է ծայրը ծայրին հասցնում: Դու յիշում ես, Բրատներ մեզ միշտ պատմում էր նրա մասին: Իսկապէս մեր պարտքն է և պարտականութիւնը, որ նրան համոզենք՝ մի երկու չաքաթ այստեղ ապրելու:

ՏԻԿ. Կէթէ. Եթէ դու ցանկանում ես:

ՅՈՀԱՆՆԷՍ. Ձէ, ես չեմ ցանկանում: Այդ շատ աւելի կարեւոր է քեզ, քան ինձ. դու պէտք է ցանկաս: Այդպիսի մի էակից դու կարող ես շատ բան սովորել:

ՏԻԿ. Կէթէ. Դու, ճշմարիտ, երբեմն շատ վատն ես, Հաննէս:

ՅՈՀԱՆՆԷՍ. Բայց միթէ ճիշտ չէ: Դու պէտք է տենդային եռանդով օգտուես ամեն մի առիթից, որ կարող է մտաւորա-

պէս քեզ առաջ տանել քո զարգացման մէջ: Դու պէտք է ձեռն տես այդ բանին: Դու պէտք է օրիորդին պինդ պահես այստեղ: Ես չեմ հասկանում, ինչպէս կարելի է այդքան անտարբեր լինել:

ՏԻԿ. Կէթէ. Ես, ալիս, համաձայն եմ քեզ հետ:

ՅՈՀԱՆՆԷՍ. Ձեր մէջ ամենաթեթեւ կրակ չը կայ. ամենաչնչին ձեռներէցութիւն.—Սոսկալի է:

Պատուրը դրսում զնգզնգացնում է բաժակը:

ՏԻԿ. Կէթէ. Ա՛խ, Հաննէս, հիմա գնա՛, գնա՛: Պատուրը կենաց է առաջարկում: Ես իսկոյն կը գամ: Ես, հաւատա՛, համակարծիք եմ քեզ... Ձէ որ մենք չը պէտք է երկուսս էլ բացակայ լինենք այստեղից, երբ...

ՅՈՀԱՆՆԷՍ. Դէ, մի՛ նեղանար, մի՛ նեղանար, Կէթէ: (Նա համբուրում է նրա արտասուալից աչիւնը եւ ռտալ գնում է պատկամք):

Լսում է պատուրի ձայնը: Ծծմօր խուլ երգը դեռ ևս մեղմ հնչում է: Կէթէի հետ ինչ-որ բան է պատահում. հէնց որ Յոհաննէսը դուրս է գալիս, նա միանգամից նուաղում է, թուլանում և անհաստատ քայլուածքով գնում դէպի պատշկամբը, ձեռքով որոնելով լենուելու մի բան: Մի քանի անգամ զլխի թեթեւ պտույտ է սկսում: Վերջապէս ոյժ չունենալով գնալու, նա ընկնում է աթոռի վրայ: Նրա աչքերը անշարժ ուղղած են մէկ կէտի, շրթունքները անձայն շարժում են: Սչքելում արտասուք է երևում: Պատուրը վերջացնում է կենացը: Բաժակները իրար են զարկում: Կէթէն հաւաքում է ոյժերը, վեր է կենում աթոռից և զիմում պատշկամբը:

Ե.—Ա.

(Կը ճարուհակուի)